

Drs. Jose Fernandes Perna cu 4 decada sirbiendo enseñansa y comunidad di Aruba



ORANJESTAD (AAN): Na februari 2014, Drs. Jose Fernandes Perna a celebra su edad di pensioen y ta wak atras cu masha satisfaccion riba 39 aña di servicio como docente y como especialista den Ciencianan Educativo (Onderwijskunde), Pedagogia (Opvoedkunde) y Ciencianan Social (Mens-en Maatschappij Wetenschappen).

Durante e ultimo 25 aña, Drs. Jose Fernandes Perna a fungi como docente y especialista, encarga cu multiple proyecto y tareanan na Instituto Pedagogico Arubano (IPA).

Carera Profesional: Jose Fernandes Perna a inicia su carera profesional na 1975, graduando como "onderwijzer" (Volledig bevoegdheid met Hoofdkte, plus Akte Jen Akte L) na Arubaanse Pedagogisch Academie (APA); na e ocasion aki Jose Fernandes Perna a ricibi e "Jan Bezems Award" di parti di Kiwanis Club of Aruba como e miho graduado di APA. (Best Teacher of Aruba, 1975).

Meneer Jose Fernandes Perna a traha como maestro di school na Prinses Emma School (1975-1977).

Augustus 1977, meneer Fernandes Perna a biaha pa Hulanda pa sigui cu su estudioan universitario. Na 1984 Drs. Fernandes Perna a gradua na Universidad di Groningen, Hulanda den e disciplinanan di: Pedagogia, Ciencianan Educativo y Ciencianan Social. Banda di su estudioan universitario, Drs. Fernandes Perna a traha na Hulanda como docente, tanto na un Academia Pedagogico (Rijks PA, Groningen), como na Universitat di Groningen, Vakgroep Interdisciplinaire Onderwijskunde. Pa cinco aña, Drs. Fernandes Perna a fungi como asistente cien-

tifico di Prof. Dr. Leon van Gelder. Profesor Leon van Gelder ta e autor di e asina yama 'Didactische Analyse' □ DA-model y tambe e diseñador di e Middenschool na Hulanda.

Na 1984, Drs. Fernandes Perna a regresa Aruba y a traha na Colegio Arubano como docente di Maatschappijleer y a fungi tambe como Schooldecaan y como Onderwijskundige (1984-1986).

Di 1986 pa 1988, Drs. Fernandes Perna a worde poni na disposicion di Ministerio di Enseñansa, formando parti di grupo piloto SHO (Stuurgroep Herstructurering Onderwijs) y tambe di WHO (Werkgroep Herstructurering Opleidings-onderwijs). Drs. Fernandes Perna ta co-autor di e notanan di maneho pa inovacion di enseñansa na Aruba (1988): "Renovacion di Enseñansa: prioridad pa futuro" y "Het Pedagogisch Instituut: een nieuw instituut voor de scholing van onderwijsgeevenden op Aruba".

Na 1989, Drs. Fernandes Perna como miembro di WHO, a worde invita pa forma parti di e team di docente na IPA y asina contribui na e desaroyo di e curiculo di IPA y alavez fungi como docente pa e disciplinanan: Pedagogia, Ciencianan Educativo y Ciencianan Social.

25 aña na IPA: Durante e trayectoria di 25 aña na IPA, Drs. Fernandes Perna a desaroya diferente programa pa IPA y a fungi pa hopi aña como persona di contacto entre IPA y sector escolar, como tambe pa e sector social. Drs. Fernandes Perna tabata e persona principal pa e asina yama "Proyectonan Social" (SPR).

Pa hopi aña, Drs. Fernandes Perna a presidi e team di sector di "Pedagogia" (na tres ocasion), como tambe e

sector di "Hende & Comunidad" (na dos ocasion). Igualmente, Drs. Fernandes Perna a presidi e team di docente pa e siguiente Opleidingen: "Sociale Geografie", "Handelsrekenen" y "Persoonlijke Vorming". Drs. Fernandes Perna ta un di e desaroyadonan y alavez docente di e asina yama "Pedagogisch-Didactisch Getuigschrift" (PDG-opleiding).

Drs. Fernandes Perna a fungi pa mayoria di su tempo profesional na IPA como docente, tanto pa studiantenan di e 'dagopleidingen': specialisacion 4-8 aña y specialisacion 6-12 aña; igualmente pa studiantenan di tercer- y segundo grado, como tambe docente pa e multiple di cursonan cu IPA ta ofrece anualmente na esnan den veld di enseñansa.

Na diferente ocasion, Drs. Fernandes Perna a worde nomina pa e distincion di "Docente di aña"; na 2002, Drs. Fernandes Perna a worde elehi como docente di aña pa tanto estudiante, colega-docente como personal di apoyo di IPA, igualmente na 2003 y na 2006.


Docente y especialista invita Di 1989 pa 1996, Drs. Fernandes Perna a fungi como docente invita di Psychologia & Sexuologia pa Opleiding Verpleegkunde na Dr. Horacio Oduber Hospital.

Entre 1997 pa 2011, Drs. Fernandes Perna tabata bishita Hulanda anualmente riba invitacion di e Federacion di Pabo's (Interactum-Nederland) pa prepara nan studiantenan pa cu nan pasantia na un di e islanan di Antia's y tambe Aruba.

Drs. Fernandes Perna a fungi como representante di Aruba den e Comision di Reino "Gemengde Commissie voor Culturele Samenwerking: Aruba, Nederlandse Antillen en Nederland" (1988 - 1992); Drs. Fernandes Perna tabata encarga cu e proyecto-nan di enseñansa.

Na 2011, Drs. Fernandes Perna, riba invitacion di Camara di Comercio Aruba, a contribui na e 'Onderwijsrapport' pa Dialogo Social. Recientemente (2014) Drs. Fernandes Perna a forma parti di e comision "Naschoolse Opvang Voortgezet Onderwijs", ofreciendo Gobierno un plan di actividad pa hoben adolescente pa despues di ora di school.

Actividadnan comunitario: Drs. Fernandes Perna ta bon conoci pa su contribucion como voluntario pa diferente Fundacion y a forma parti di diferente Comision □ pa nombra algun: FADA,



AIDS-Aruba, WGK (Curso Futuro Mayornan), Proyecto Educacion pa Adulto (PEA), Fundacion Social Cultural Portugues (Club Primavera), Fundacion RESPETA VIDA semper corda (Anne Frank Aruba) y Plan 2000/ Curasonfirme. Drs. Fernandes Perna a fungi como moderador pa masha hopi grupo y evento; tambe Drs. Fernandes Perna a presenta pa algun aña e programa na Tele-Aruba, "Ta bo salud: guid'e". Ademas Drs. Fernandes Perna a ofrece su servicionan como miembro di Directiva di AZV.

Consul Honorario: Entre 1994-2004, Drs. Fernandes Perna a eherse e cargo di Consul Honorario pa Portugal. Den e ultimo funcion aki Drs. Fernandes Perna a desaroya e multiple eventonan Luso-Arubiano. Ainda nos por corda e diferente ocasionan, encuentran

di seso-sport, pesebre bibo y hopi mas. Tambe por corda e excursionnan Luso-Arubiano pa Portugal & Madeira y e publicacionnan Luso-Arubiano, manera: 'E simbolonan nacional' y "Calender di Aniversario".

Drs. Jose Fernandes Perna ta casa cu señora Glenda Krozendijk y nan tin dos yiu: Albee y Eliza.

Gradimento: Pa medio di e relato aki, Drs. Jose Fernandes Perna kier gradici, no solamente Directorado di IPA, Bevoegd Gezag (DPS) y Ministerio di Enseñansa, pero tambe tur colega, estudiante como demas actor-nan den sector di enseñansa, sector social y comunidad di Aruba en general pa nan confianza y cooperacion den su persona y ta desea un y tur hopi éxito. Como persona mi ta keda na disposicion di cada un di boso. Masha Danki!